

四庫全書

集部

欽定四庫全書

元詩選初集卷三十九

庶吉士顧嗣立編

張翥蛻菴集

辛巳二月朔登憫忠閣

百級危梯遡碧空
憑闌浩浩納長風
金銀宮闕諸天上
錦繡山川一氣中
事往前朝僧自老
魂來滄海鬼猶雄
只憐春色城南苑
寂寞餘花落舊紅

雁自代過晉嶺客中感興

鴈行初自鴈門來，遠度平沙陳勢開。
光祿塞空霜氣冽，受降城廢水聲哀。
烏孫公主歌難和，猿臂將軍射未回。
今日客中腸易斷，不須更上最高臺。

荏平道中

風起征塵滿鬢頻，呼驛卒緩前驅已悲。
白骨多新鬼，尚說黃巾半畏途。
麥老大田鳴乳雉，草深荒徑竄妖狐。
停驂欲飲瓜園井，擬倩鄰翁放轆轤。

宴四明江中醉卧及醒舟已次車廐站

使節重來省昔年舊遊零落一淒然山川在眼空陳迹
歌舞催人又別筵風卷潮聲全海起雨分虹影半空懸
酒醒惟有斜窗月偏照姚江獨夜船

湄洲嶼

飛舸鯨濤渡渺冥祠光壇上夜如星蛟龍筍簾縣金石
雲霧衣裳集殿庭萬里使軺遊冠絕千秋海甸仰英靈
乘槎欲借天風便彷彿神山一髮青

浮山道中

處處人煙有酒旗
棟花開後絮飛時
一溪春水浮黃頰
滿樹暄風叫畫眉
入境漸聞人語好
看山不厭馬行遲
江籬綠徧汀洲外
擬折芳馨寄所思

扈從之上京過龍門

兩崖高立色冥冥
仰視空光一罅青
石兀馬蹏危不渡
水漂龍氣暗聞腥
山川壯自開天險
風雨陰疑來鬼霧
我欲重尋舊題處
溼雲寒蘚滿巖扃

聽松軒為丹丘杜高士作

長松千樹擁前榮，虛籟還從樹底鳴。
一片海濤雲杪墮，幾番山雨月中生。
茶香夜煮苓泉活，琴思秋翻鶴帳清。
安得南華老仙伯，相隨軒上說風聲。

次韻劉伯貞與金山即休了長老唱和

老禪居處水雲重，此地纖塵不可容。
潮色平鋪無際海，日光先上最高峯。
蹋花佛馭紅牙象，獻寶神騎白耳龍。
第一江山第一座，幾時來聽講時鐘。

送絕宗繼講師住大雄寺

大展三衣古道場真人高拱殿中央曼陀雨散天花落
薰陸煙生石乳香纚纚風雷飛講舌眈眈龍象繞禪牀
師行不廢宗雷社會覓籃輿到上方

聞雲海寬寶林同二師寂音悼之

久別吳寬與越同近傳歸寂故禪宮葛川有日尋圓澤
蓮社無人寄遠公亭外松焚雲海靜井間鰻化寶林空
只留一點詩鐙在長照殘山剩水中

壺洲為上清張道士題

錦水西頭觀闕青仙家原不隔滄溟鳳麟洲渚寒凝碧
雪霧衣裳夜降靈金醴浸花留客醉玉笙吹月使龍聽
看君福地容蕭爽長與曾孫宴幔亭

送上清道士李自賓歸山

歸去青溪點易窗仙林如子世難雙丹藏虎豹千山雪
劍度魚龍萬里江別洞苔花分石路古壇松子落巖淙
道人不用尋煙火木煎經冬正滿缸

仙娥玩月圖為野雲陳氏題

仙娥微步下高寒，獨立長松月滿山。
妝影透明金背鏡，佩聲飛動玉連環。
洗空碧海銀蟾冷，舞罷瑤階白鳳閒。
不是丹青寄顏色，行雲無夢到人間。

周漢長公府臨安故城二圖

今開元宮

主家樓觀鬱參差，想見當年全盛時。
宮草細侵行輦路，苑花深覆泛舟池。
瑤臺仙去塵生海，甲帳神來風滿旗。
好在畫圖留勝蹟，五雲長護鶴笙祠。

南渡君臣建業偏，不堪喬木黯風煙。
豈知白馬興王後，

又到紅羊換劫年三輔黃圖空郡國六朝王氣渺山川
白頭開府歸來日應覽遺蹤一愴然

半邨為傅處士賦

半距城闌半距邨煙霞只尺少塵喧小車出市僕先路
斜日下山人到門兩岸花陰連第宅一川草色散雞豚
田家數里將迎慣時復相留醉酒尊

霍丘孫遊武林湖山之勝詔之

千頃平湖繞郡城畫船小槳盪春聲紅酣花港風荷密

玉照梅岡雪樹明煙月長留歌舞地山川不改古今情
君行須到峯南北為覓蒼苔石上名

元夜獨坐

九衢花月萬家鐙憶在錢塘與廣陵過去豪華春似夢
老來心賞冷如冰蘇耽仙後還為鶴房琯生前本是僧
喚取家人多置酒只將寂寞付瞢騰

世事

世事紛紛在目前故園無復可歸年吳東城陷仍為沼

滄海塵生欲變田鼠穴詎容銜宴藪稀膏聊解運方穿
臣心有血才盈掬擬向天公罄一箋

翰林三朝御容戊戌仲冬朔把看前宮

嘉禧殿前初日高瑞光先映赭黃袍雲間瑞露收金掌
仗外微風颺彩旄黃鶴仙人周子晉碧雞使者漢王褒
禁園尚覺餘寒在未放春紅上小桃

直延春閣

蓬萊海上第三山仙掌雲間十二槃雞樹煙深殊窈窕

鳳樓天近自高寒
銅壺傳箭聲相應
紫詔封泥墨未乾
願祝君王千萬壽
坐施雄斷濟艱難

感興

從來豪傑願風塵
奮臂干戈肯顧身
司馬諸王祗亂晉
祖龍二世竟亡秦
祠傍鬼火狐鳴惡
橋下天寒鶴語神
千古汗青留感慨
山中輸與種桃人

憶廣陵舊事

乙未

君王昔在鎮南年
賓客風流日滿筵
上國旌旗分一半

層臺歌舞宿三千豪華遽盡悲離黍形勝空存慘莫煙
多少楚魂歸未得江流無際海連天

授鉞

天子臨軒授鉞頻東南何處不紅巾鐵衣遠道三軍老
白骨中原萬鬼新烈士精靈虹貫日仙家談笑海揚塵

只將滿眼淒涼淚哭盡平生幾故人

中原紅巾初起時
旗上一聯云虎賁

三千直抵幽燕之地龍飛九五重開大宋之天其後毛
貴等橫行山東侵犯畿甸駕幸滌京賊勢猖獗無異唐

末仲舉在都下作此詩寄
浙省周玉坡參政伯琦云

送西江胡允中之桃溫萬戶府學正

遼水窮邊牟蓋東鎮人今始識儒宮詩書直化三韓遠
文軌須令萬國同隼度塞雲秋有雪鼇翻海浪晝多風
知君回首神州路一髮青山落照中

余伯疇歸浙東簡郡守王居敬

四明遊客住京都旅舍青鐙照影孤家信十年黃耳犬
鄉心一夜白頭烏却携長鋏辭金水直挂輕帆到鑑湖
為問蟲吾王太守別來安穩有書無

送涂茂才北遊

黃河十月已流冰暫解行裝駐廣陵
逆旅壯懷銷北斗故山歸夢入孤鐙
千金燕市方求馬萬里天池欲徙鵬
曾是公卿有知己孝廉船上覓張憑

越僧無涯號棲雲乞賦

上方何處但聞鐘深護林扉翠幾重
卧冷衲衣侵片石行隨錫杖度千峯
松晴每下安巢鶴潭暮時留聽法龍
更欲移禪沃洲去微茫巖洞不曾封

高沙失守哭知府李齊公平

高郵自昔號銅城一旦東平委賊兵
殺氣倉皇迷野色怨魂嗚咽泣江聲
廣陵瓊樹春仍在璧社珠光夜不明

白首故人悲趙李臨風惟有淚縱橫

參政趙伯器死泰州

寄答翟彬文中時避慈溪

靜對孤燈思往事偶聞疏雨落寒窗
愁邊白髮三千丈夢裏青山十四雙
蜀魄有聲疑訴國楚招無夢憶沈江
只因詩思緣君苦吟斷遙鐘已曉撞

聞歸集賢遠引奉簡一章

時呂左丞歐承旨司尚書繼亡

故舊相看逐逝波，思歸無路欲如何。
將軍每數檀公策，朝士徒悲穆氏歌。
南海明珠來貢少，中原健馬出征多。
先生自說將高舉，不遣冥鴻到罽羅。

望江

是歲合越飢

寒潮已退大江空，不見來鷗與去鴻。
半嶺綵霞纏落日，一川紅樹照西風。
魯連蹈海英靈遠，王粲登樓感慨同。
徑欲投竿會稽石，得魚為飽浙河東。

答馬易之編修病中作

喜君近疾已平安楮帳繇余且避寒飯顆任嘲詩骨瘦
糟丘能遣客懷寬天街鐘動朝初罷海國書回歲又殘
忽訝衰翁不相問北風吹雪正漫漫

歛汪希仲罕代自雄新二州警曹話其風土為賦
越鳥巢南漲海東地兼夸夏氣惟雄洞深屋壘層厓上
瀧險船行亂石中春樹溼雲生桂蠹瘴茆經雨落沙蟲
宦遊最數蠻荒惡羨子歸來面更紅

東坡淮口墨蹟卷後有黃策詩

策號隨緣子

潮落潮生沙岸頭
布帆來往幾經秋
山川如故人何在
天地無情水自流
敗壘荒墟非昔畫
野煙寒照總新愁
只應千古清淮月
曾照東坡此喚舟

九日燕允孚森玉軒醉中感懷

不見江南信使來
菊花應傍戰場開
風塵渺渺家難問
節物怱怱老轉催
把酒多無今日醉

坐中客此語有足動心者

登高

只益寸心哀白頭
一覺湖山夢誰料
繁華有劫灰

故御史王楚鰲元戴為臨川王伯達三畫求題三

首

王館
賓也

雙鳳山人茅作屋五雲閣吏繡為衣寫將瀟灑滄洲趣

留待風流二老歸歲月無情遺墨在江湖多事宿心違

寒藤古木江西道惟有當年白鴈飛

右雙鳳山居圖
山在臨川五里王

自奎章典籤為

廌史故云閣吏

晝畫溪頭春水波美人蘭櫂遠來過杯如賀老稽山酒
曲有吳兒小海歌樓館雲晴空翠溼汀洲花暗夕陽多

只今粉墨餘高致愁絕樵風冷薜蘿

右山陰春霽圖
時憲巡行越中

小史堞前煙水空淮山無數直叢叢使君援筆寫秋色

舟子唱橈乘晚風幾處漁家依落木半汀殘照下飛鴻

白雲望斷仙遊遠應在蓬萊碧海中

右萬港秋汎圖
時為淮西僉憲

春日有懷柯敬仲博士

建章鷺鷥曙光初上直開門漏點疏花擁西清森仗衛

星臨東壁煥圖書漢庭長者多推轂楚國騷人久卜居

為問五雲仙閣吏綵毫春詠近何如

悼亡日

是早題書梅一幅夜
夢梅花盛開有感

翦水裁雲聚作花，直教顏色冠芳華。
一雙仙子玉條脫，三尺天家香辟邪。
南國好音將過鴈，西窗殘夢已啼鴉。
年年此日傷春思，忍把歸心賦落霞。

中秋望亭驛對月代祀北還

月色滄波共渺茫，亭臺雜坐看湖光。
仙家刻玉青蟾兔，帝子吹笙白鳳凰。
蘆葉好風生晚思，桂花清露溼空涼。
回槎使者秋懷闊，倒瀉銀河入酒觴。

正月九日夜雪甚寒

雪後西山照眼青，早寒微霰又飄零。
昨非未必今皆是，衆醉何由我獨醒。
學篆每朝臨碧落，存神長夜養黃庭。
若為喚得瀛臺侶，相與吹簫上杳冥。

雪中早朝

北風吹雪浩漫漫，曉出津橋立馬看。
春入上林花樹早，水連平地海波乾。
金城萬雉微茫溼，月闕雙龍顛負寒。
今日天顏知有喜，紫宸朝下散千官。

送春答何高士

湖山不見莫雲渾楊柳風寒早閉門情在舊遊花歷歷
酒淹殘睡雨昏昏種桃道士今何處采若騷人不返魂
欲識傷春無限意杜鵑枝上有啼痕

清明雨晴遊包山龍華寺過慈雲嶺

當年玉輦此經行古寺猶題扈從名龍鳳識空山氣歇
馬羊劫換海波平野桃著雨春紅落嶺路埋雲溼翠生
日暮雲歸煙樹黑饑飢雨上宮城

七月二十七日書所見

杏花樹底血猶紅一宿猩痕雨洗空
鳳闕追班聽帝詔羽林坐甲衛皇宮
天官占候徵玄象國士精誠貫白虹
引領雲間望笙鶴朝來佳氣已蔥蔥

存道元帥師宗感時及陡遡山族刀寨入貢次韻

二詩送歸闕戍

徼外頻傳羽檄飛將軍三起著戎衣
空山狐兔無藏窟平陸龍蛇有殺機
已見趙佗知漢德更令孟獲識天威

此行整頓蠻荒了
箐雨瀘煙好賦歸

羣蠻連歲開滇中
陡遡山前喜挂弓
萬里籌邊頻却虜
半生憂國早成翁
塞垣烽火方無警
幕府文書已上功
春賦歸來五雲閣
漢廷不獨數嚴終

送謨侍者還江陰

禪祇無塵錫杖青
一龕天竺更南屏
楊枝偏灑鉗中水
貝葉時繙笈內經
舊業池菱秋漠漠
歸舟江樹曉冥冥
今朝又作蕪城別
何處鐘聲入夜聽

寄陳敬初郊九成

憶昨閭門綰柳條，遠煩相送過楓橋。
夕陽陌上東西路，春水江頭早晚潮。
老境此心惟白社，英年何處不青霄。
詩林別後應俱進，時遣郵筒慰寂寥。

遊天竺寺

石梁濺水溼蒼苔，陰洞傍穿澗底回。
殿閣金銀從地湧，山林圖畫自天開。
龍隨僧到分雲住，猿聽人呼下樹來。
遊興未闌斜日盡，馬頭呼酒尚徘徊。

題張外史馬塋新居

窈窕丹房古澗阿，長松修竹繞層坡。
桃園隱者時相遇，茆洞仙人夜或過。
沆瀣杯寒供曉食，青冥笙響答空歌。
白雲浮出池痕滿，知是龍泓宿雨多。

登六和塢

江上浮圖快一登，望中煙岸是西興。
日生滄海橫流外，人立青冥最上層。
潮落遠沙羣下鴈，樹欹高壁獨巢鷹。
百年等是豪華盡，怕聽興亡懶問僧。

登金山吞海亭了翁請賦

危亭突兀戴鼇頭俯視滄溟一勺浮
龍伯衣冠藏下府
梵王臺殿起中流扶桑夜色三山日
灩澦江聲萬里秋
老我惜無吞海句但磨崖石記曾遊

賦中書左曹小瀛洲

東曹地迴集名郎宛是仙家紫翠房
閭闔上通天只尺
蓬萊移出海中央金波日煖浮鵝鵲
玉樹春濃下鳳凰
幾度夢回清夜直此身如在五雲鄉

三月望日遊虎丘寺題小吳軒

海湧峯前雲樹盤
佛宮飛閣出巔巒
虎來古塚金精白
龍卧秋池劍影寒
禪老說空留壞石
鬼仙題雨下虛壇
憑高不盡登臨興
更借西山晚翠看

吳江

坐倚風檣看太湖
波濤瀕洞半三吳
寒通上界咸池氣
黑入中流水伯都
雲暗蛟龍應起立
雪深鴻雁自驚呼
望亭有酒宵堪醉
買得漁家一尺鱸

二月望日湖上值風

疾風吹浪滿重湖，雲掩西山一半無。
黃帽牽船依岸過，蒼頭按鵲繞林呼。
鶯花世界如春夢，煙雨樓臺似畫圖。
童穉茲遊今白髮，斷橋斜日重踟蹰。

寄觀志能照磨

鼇背三山最上峯，美人手把玉芙蓉。
仗圍泰時傳宵燎，漏下層城蹋曉鐘。
錦瑟無塵飛刻鴈，金壺有墨灑雕龍。
老懷已託王郎道，早晚歸雲北澗松。

送成禮部誼叔察訪守令河南山東

歷數開千載明良會一時朝廷嚴守令宵旰為黔黎南
服方多故東州復阻飢郎官膺簡拔使者出詢諮此命
於今重如君衆論推直承廉察徃肯作畏難辭靈雨隨
華轂流風度綵旗草蕪驄一色柳與轡同絲梁宋分淮
甸青齊並海涯政苛嗟虎猛民散念鴻離罷吏寧勝任
姦貪只自私中牟因雉見單父得魚知或有隳其職誰
能慎所司張絃從急緩朗鑒各妍媸治道誠先務皇心

實在茲俱為良吏選足慰遠人思空闊青雲步孤高玉
樹姿暫傾冠蓋餞行赴簡書期事業懸鐘鼎光華映羽
儀歸來前席問請入史臣詞

寄題顧仲瑛玉山詩一百韻

并序

至正九年秋海道糧舶畢達京師皇上嘉天妃
之靈封香命祀中書以翥載直省舍人彰實徧
禮祠所卒事於漳還次泉南卧疾度歲乃仲春
至杭遂以驛符馳上官而往卜山於武康克襄先

藏秋過吳門顧君仲瑛留讌草堂之墅一作富宴

嘉一作賓十又二人分題玉山一作崑墅諸景詩皆十

韻盡歡而別舟中筆硯少暇因叙事述懷累成
百韻語錄則易疵聊以記行役耳錄寄仲瑛洎
席上諸君子他日或遊崑墅當為一亭一館賦
之也

治理逢熙運欽明仰聖皇至仁侔覆載上德配軒唐大
業勤弘濟元臣協贊襄賢科收俊造庭實粲珪璋入貢

徠符紱儀韶下鳳凰普天均雨露絕域總梯航每念京
師食遥需漕府糧神妃所庇護颶母敢飛揚前隊貌貅
發先驅罔象藏冷颼鼓萬柁朱火耀連檣帝敕申嘉惠
祠官按典常賞勞兼湛濊

時賜省臣潛
臣酒幣甚厚

旌烈特巍煌僕

本中林士久陪東觀郎遂叨乘驛傳徧與禮靈場蕩節
雕龍飾華旗畫隼翔衝流度鄞越陟險過泉漳緬彼湄
洲嶼嶄然鉅海洋蛟穿崖破碎鯨蹴浪撞搪震鼓轟空
闊奔帆截渺茫島夸迎使舸瘴霧避天香嘉薦歆芬苾

陰功助翕張精誠致工祝景貺答禎祥賈舶傾諸國輿
圖奄八荒身雖距閩嶠志已畧扶桑裴洞三生夢溫陵
十月涼茲遊平昔冠夙願一朝償女髻皆殊製蠻音各
異鄉地偏宜荔子人最貴檳榔釀鹿肥漂酒澆蠓液滿
房招賢簇車騎揮埽積鯁窮臘纔竣事暄春始趨裝
劔津傳警急汀賊起狔獠砦一作穴旋戡定藩垣慎扞
防思親彌切切行役更遑遑狐死嗟奚首龜占喜允臧
封崇宴隰內木拱計峯旁

仲春卜山武康克襄先藏
塢在計籌山下即予新阡

薄宦祇牽率孤蹤易感傷暫為江左客誰灑墓頭漿逝
矣川塗阻淒其涕淚滂南園恰唬鳩北路復鳴蜚粵若
婁東邑由來漢太倉機雲存故宅吳會畫雄彊迹跡晞

高士

謂有梁鴻山

遺風挹讓王厥田尤沃衍比歲造豐稔老

我

一作契

張承吉新知顧辟疆聞君占形勝築室恣徜徉

鐵笛留嚴客青錢乞泰娘杏韉紅叱撥蘭柱繡鴛鴦開
徑通佳處栽桃帶柳塘修梧羽葆蓋美竹碧琳琅列岫
濃螺色澄湖淨鏡光鳥邊嵐漠漠魚外水泱泱鶴駐遊

仙館鸞鳴種玉岡投竿釣月檻隱几讀書牀雲結芝英
秀花團桂樹蒼舫齋青篠箔漁舍綠苔牆棟宇環相屬
園池鬱在望直疑金谷墅還似輞川莊未獲窺詩境相
邀到草堂開尊羅綺饌侑席出紅妝婉態隨歌板齊容
綴舞行新聲綠水曲穠豔大隄倡宛轉纏頭錦淋漓蘸
甲觴弦鬆調寶柱笙咽炙銀簧倚策驂連轡鉤簾燭遠
廊僊僊供紫蟹庖吏進黃虀卜晝寧辭醉留歡正未央
分司莫驚坐刺史欲無一作銷一作腸是集俱一作成才彥虛懷

共頡頏珠璣散

一作飛

歎唾律呂應宮商鄭老經術富于仙

詞翰長琦初鐙並照郊華驥同驤壁也牋毫健吟篇綵

繪彰拈題爭點筆得句倏盈箱勁敵千鈞毅精逾百鍊

鋼語竒凌鮑謝體變失盧楊瑛甫蚤有譽亨衢那可量

搏扶看

一作扶
一作搏

怒翼騰跼待蜚黃既篤朋情重仍持雅

道昌披襟視

一作露

肝膽刻琰播文章永契欣依託衰蹤

頓激昂盍簪承偉餞授簡藉餘芳自鄙冥搜拙徒令屬

對忙端如享敝帚何以貯奚囊談笑聊堪接賡酬曷足

當吾猶鄩以下公等楚之良瓠落渾無用艱難實備嘗
擬為更駕馬竟作觸藩羊筋力頻馳驚功名幾慨慷不嫌成晚
合深幸際時康邂逅因斯會睽違又一方息息把別袂眷眷
賦河梁鴻雁清秋日蕙葭昨夜霜關山凝朔氣星斗麗寒芒
疾病一作疾家多難歸休歲亦陽苦心甘寂莫短髮任蒼
浪漏屋愁荷蓋塵衣惜蕙纓杜陵非固懶賀監豈真狂
回首長追憶緘詩遠寄將乾坤浩今古此意詎能忘

分題送京兆趙耕師尹之臨安路帥府照磨得通

海湖

萬頃平湖碧浮光映沱寥秀山純浸影滄海暗通潮瘴
黑雲相蕩春澄雪未消潤沾蒙部闊川合洱河遙秔稻
收田利蒲魚入市饒雨歸龍氣溼晴浴鶴媒驕夾樹迷
深簞流花落野椒羶來蠻婦漂船放熨僮橈帥閫開荒
甸英才屈下僚此心同逝水日夜向東朝

送劉貞廷總管之嘉禾

御史宣
徽院判

牧守膺民寄循良不數公使君新建隼御史近乘驄內

府聲華著專城控制雄老成歸物望清切簡宸衷紫綬
盤銅虎朱旂擁畫熊焚香迎父老騎竹走兒童攜李名
藩古勾吳地利通粵從師次後俱在震鄰中水暗臺隍
月雲寒鼓角風蠻氛猶漲黑戰血未消紅聖主方圖治
台司亦即戎頻煩綸綍下次第甲兵空公等宜宣力王
臣固匪躬闕防先武備國計務農功黃霸徵當最陽城
考欲同蒼旻飄勁氣白日照精忠萬象天樞北三山海
市東早龍俄作雨時喜得雨故及陽鳳已鳴桐善政風須變虛

襟理自融平生經世志要似節軒翁

成居竹有書報甥傅君亮至揚州言其家與外表舅吳
仲益及婦家二叔學生韓與玉全家無恙喜甚有懷

始得平安信渾紆悵望心爭看尺素字絕勝萬黃金危
甚初秋警幾於平陸沈蜂屯昱嶺上猗突浙江潯縱爾
驅鋒鏑寧逃磔斧礮官軍俄克復亂首即成擒城市半
焦土親朋多好音已知生有路暫免淚沾襟老子歡殊
劇家人酒快斟狂歌敲手板醉倒脫頭簪黎庶思甦息

皇天願照臨國威雖震疊兵氣尚蕭森自顧形骸累仍
嗟歲月侵懷歸畏吏議承乏念官箴虎豹闕非遠龍蛇
水更深豈無黃石畧虛遣白頭吟落日耿殘雪浮雲生
夕陰枯萁聞斷馬疎樹見棲禽松竹荒須理茅茨破可
尋前身本道士不是戀山林

予京居二十稔始置屋靈椿坊衰老畏寒始製青
鼠袍且久乏馬始作一車出入皆賦詩自志三首
五槐濃綠蔭門前東宇西房數十椽不是衰翁買屋住

歸時留作顧船錢

青鼠毛衣可禦寒
禿衿空裊放身寬
遮頭更著狐皮帽
好箇儂家老契丹

淺淺輕車穩便休
何須高蓋與華輶
短轅不作王丞相
下澤聊為馬少游

讀瀛海喜其絕句清遠因口號數詩示九成

一日糧船到直沽
吳嬰越布滿街衢
新詩將作如干首
為問郊郎有買無

接糧御史性情真斷事官來苦怒嗔索酒索錢橫生事
遭風遭浪肯知人

客牕昨夜北風高猶似乘船海上濤明發先宜覓貂鼠
喚人來作禦寒袍

虎賁坐甲夜傳更千步廊街鼓柝聲未許離人眠得熟
馬蹏車鐸又天明

拂郎之馬走十里獨立長嘶凡馬空昔在江南看圖畫
今來天廡識真龍

賽娘十五解新聲楊柳腰肢怯
囀鶯好寫潘郎胡十八
教伊傳唱滿京城

長川妓子蚤晨來戴笠騎驢怕擁腮
總在狹斜坊裏住
教坊日日聽差回

杖屨尋花虎丘寺壺觴按曲館娃宮
阿成殺受吳中樂
請入風沙海浪中

結束黃騮粉畫鞦更投西市買長鞭
知儂已有南歸日
戶部來催助燕錢

大風塵土漲天飛遮眼烏紗拍馬歸還是洞庭湖水好
侍郎來浣舊征衣

廉子祐歸省金陵且就秋試作絕句贈別

故園歸思浩無涯更聽鴟鵂惱客懷後夜月明應有夢
先隨潮水過秦淮

小游仙詞八首

清華公子竝騎龍直過蓬萊第一峰親見海中城闕好
半栽玉樹半芙蓉

五色煙中玉女窗
鳳歌鸞舞一雙雙
除是飛瓊方教得
紫簫吹徹不成腔

來不分明去不言
紅椒花露溼妝痕
巫娥已隨夢魂斷
十二碧峯愁莫徠

月圓羣芳次第開
步前紅露下瑤階
携蒲偶共真妃博
賭得雙頭白燕釵

道人寄我紫邏山
時復賣藥來人間
石潭薄晚有龍鬬
滿谷溼雲無路還

五嶽真官立帳前
露蕪香靄落瓊筵
夜深醮罷各歸去
一一馬聲嘶上天

美人臨水笑相邀
自解羅巾擲作橋
同覓雲間仙伴侶
杏花壇上聽吹簫

月帳新開蕊輦過
桂花涼露灑天河
雙星一夜叙離別
狼籍碧蓮秋露多

皇舅墓

青州刺史河上墳
墳不可識碑仍存
維舟上讀半磨滅

使君乃緣戚里恩當時賜葬宜過厚冢闕樹立須雄尊
豈知陵谷有遷變石馬盡沒龜趺蹲驛夫指我元傍岸
縣官恐墜移高原岸濱往往多古冢零落空餘秋草根
至今父老傳識記野人之語那足論我疑其藏必深銅
或謂已被湍流吞安得壯士塞河水萬古莫令開墓門
陶南村云河間路景州舊縣河濟一土阜相傳為皇舅墓自國家奄
混區夏即有謠云皇舅墓門閉運糧向北去水渰墓門開運糧却回
來至正辛卯中原大水舟行木杪間及水退土阜崩圯墓門顯露繼
後天下多事海道不通讀公之詩傷今之世則識緯之說誠不可誣矣

石頭城次薩天錫韻

逶迤一作坡陀石路帶城遙古寺殘碑蘚半彫一自降王歸

上國空餘故老說前朝壞陵鬼剽傳金盃畫壁仙妝剝
鳳翹更欲留連盡奇觀夕陽江上又生潮

述慈溪景

往年使過慈湖上風景依稀可畫傳紅葉樹藏秋水寺
白頭僧渡夕陽船竹林雨過山多筍漁浦潮來海有鮮
藉爾遠公能愛客不妨酬倡酒尊前

東西馬塍春行簡平湜伯容

清明時節每陰陰楊柳人家花滿林侵曉乍收連日雨
賞春長負百年心鳬翁一一蒲塘暖雉子斑斑麥隴深
為報能詩平處士剩攜芳酒共幽尋

遊鳳凰山故宮至高禰臺鴻鴈池

衰草寒煙老木風南朝佳氣落秋空壁來山鬼遮秦使

盤泣仙人

一作銅仙

別漢宮壤埒尚傳祠乙鳥荒池曾見射

飛鴻騷人自古多離

一作荆

思長在登臨感慨中

鐵笛為孟天暉賦

受此輕圓鐵鑄成何須楚竹選孤生年多化作青蛇色
夜靜吹如彩鳳聲繡出碧花凝錯落冷涵金氣發鏗清
最宜攜向君山去一聽仙翁奏月明

夜起

月落未落霜滿城雞鳴不鳴山四更起看北斗寒挂地
俯聽長河流有聲今夕何夕耿無寐千古萬古難為情
欲持心事出門去哀歌坐待東方明

寄見心上人次韻二首

自入赤墀青瑣間，舊遊禪侶亦闌珊。
青山只憶招提境，白首初辭供奉班。
馬為空羣猶蹻蹻，鳥能求友自關關。
終期一舸相尋去，知在姚溪第幾灣。

見說錢塘別築城，淒涼風景若為情。
湖隄柳盡曾遊路，石壁苔荒舊刻名。
老我無能如燭武，何人可飲勝公榮。
沃洲勝會還容續，即擬山中隱計成。

寄成居竹隱居

青袍朝士困京華，此老蕭閒竹滿家。
山壓窮愁詩強項，

海枯渴肝

一作肺

酒槎牙商巖未採芝如草彭澤將歸菊

有花孤負江頭理漁事短篷春雨夢漚沙

題唐子華畫王師魯尚書石田山房

秋水橋邊紅葉林數家茆屋傍青岑岡頭種玉朝煙煖
隴上鉏雲宿雨深摩詰輞川宜入畫少陵韋曲自成吟
東新歲晚來同煮應許山中道士尋

題述律存道元帥平師宗三州卷後

不用牙璋遠出師將軍憑軾下

一作定

邊陲焚箇爭敵金

盤血漢使高懸玉帳旗
司馬文章傳太史武侯威畧震
南夷只今父老蘭滄上
擬刻寧蠻第一碑

寄題杜原父懷友軒

尺五城南近世紛
移家來竝武夷君
他年功業誰青史
此客山林自白雲
石氣曉侵書幌溼
溪聲時雜櫓歌聞
故人已
有同棲約杖策行穿虎豹羣

瓜州與成居竹王克純登江風山月亭

風起西津斷客艘
熊家亭上得憑高
雲移鳥影沈江樹
雨

帶龍腥出海濤開闔自天留壯觀登臨如我老英豪放
舟擬就金山宿一夜清寒襲錦袍

奉答新仲銘禪師

吳楓初冷鴈連天夢在江南野水邊詞客欲歸嗟老大
美人不嫁惜嬋娟豺狼正爾當官道龍象于今護法筵
我識新公老禪衲一鐙蒲室是真傳

冰蟾為金齋賢賦

老蟾素魄稟金精千歲玻瓈幻結成明水夜零陰隧凍

丹書秋滿肉芝生腹凝寒露藏虛白影入銀河浴太清
擬問姮娥乞靈藥與君騎向廣寒一作行

送式無外歸高麗

三韓山水有靈暉秀出斯人了佛機嶽寺禪餘留偈別
王城齋罷戴經歸併收滄海降龍入錫度秋空近鷗飛
只恐故林雲卧後一鐙秋老木棉衣

春日汎湖陪李旻德融席上作

春來渾不到湖邊偶逐東風上畫船花氣暖流一作熏黃

鳥岸水光晴展白鷗天綠尊興極一作劇頻呼酒銀管聲

高正輓絃我比放翁應更放看花不獨海棠顛仲舉善諧謔出

談吐語輒令一坐盡傾嘗為集慶路學訓導御史下學

點視康膳鄰齋出對云笏冠點饌是日適用驢肉仲舉戲

續云驢肉作羹御史蓋河南人也聞之大怒欲逮捕之

仲舉乘夜逃奔揚州觀此亦可以見其疎放之一班矣

送劉侯赴大理

萬里南雲入馬蹏蠻酋迎拜過阿黎將軍拔劍歌玄武

使者乘輅祀碧雞六詔星文開井絡兩關鳥道插天梯

聖朝謀帥先詩禮努力籌邊息鼓鼙

挽忠襄王

聖主中興大業難元戎報國寸心丹軍中諸將驚韓信
天下蒼生望謝安羽檄北來兵氣肅樓船南下海波寒

老臣擬直詞林筆細傳成功後代看

忠襄王謂察罕帖木兒也察罕起兵

沈丘忠平河南山東諸處紅巾至正壬寅為田豐王士誠所刺先是有白氣如索起危宿貫太微垣太史奏山東當大水順帝曰不然山東必失一良將即馳詔戒察罕勿輕舉未至而已及難矣

招韓伯清泛湖二首

南園攜手賞芳紅喚取能歌盛小叢傳與春風留杏萼

明朝開向曲聲中

段橋春水綠初柔更有羣鳧來上遊好借鴟夷盛酒去

玉簫吹上畫船頭

元史稱仲舉遺藁不傳其傳者有律詩樂府僅三卷四明周圮公所錄嘉興朱竹垞藏本乃是明初僧大杓手抄有洪武四年題識其外元音清氣諸家選本所收頗有未經見者至玉山雅集所載古體尤多并附于後

清河水漲答復中吉監縣水字詩

潏泱清河漲湍流滋浸滄溟渾灌注濁浪浩浮沈洲渚津涯濶泥沙沮洳深沿淮澤鴻滿漂蕩渡江潯

辱井石闌

好事能收斷石存
摩挲堪惜古雲根
樓空野寺鐘何在
宮浸寒蕪井已昏
古篆半餘闌上字
妖姬猶有夢中魂
試捫窪處紅猶溼
不是胭脂是血痕

上元夜雨

門外東風驚落塵
夜寒街鼓斷無人
江山長抱千年恨
雨雪虛消一月春
紅蠟光深行酒罷
玉龍聲急落梅頻
鄰翁聞說兒時事
何異繁華夢裏深

壬申元日大雪二日立春晴景豁然春讌有作

白雪青天映日紅樓臺高下玉山中盤蔬曉送冰絲脆
釵杏春生蠟蒂融北斗龍杓迴後夜東皇鸞輅駕靈風
何如得接雲霄上一看煙花繞禁宮

癸亥歲八月十六夜月

蟋蟀梧桐秋滿庭浮雲散處見疎星仙人修月渾無跡
使客乘槎自有靈一道銀河通碧海三更白露下青冥
西風忽起吹黃鵠夢斷瑤池醉未醒

郡城晚望覽臨武堂故基

全晉山川氣象開滿城煙樹擁樓臺土風舊有堯時俗
人物今無楚國材千嶂晚雲原上合兩河秋色鴈邊來
昔賢勝賞空陳迹落日登臨畫角哀

自悼詩二首

十二樓空月自明一圓一闕總關情每從畫裏瞻瓊在
復向詩中記受生魂不歸來歌楚些夢還驚覺厭秋聲
遙知別鶴離鸞思只在芙蓉海上城

夢中常苦不分明天上人間各有情
桃葉柳枝無限思
靈芝瑞露可憐生
蕙蘭漫織迴文錦
鸚鵡猶傳響板聲
欲得近音何處問
風煙遮斷武林城

九日行湖上

是節最關情
隨山得散行
西風片雨過
落日半湖明
野菊黃堪把
官醅綠可傾
坐來無限思
散入遠鴻聲

露坐

官街人靜鼓鼙鼙
獨坐中庭滿扇風
墮地一絲和露溼

青蟲縣在月明中

宋徽宗畫梔禽

龍沙魂斷夢華空
遺墨淒涼扇面中
三十六宮恩怨盡
更無花鳥訴秋風

馬上望江南諸峯

浮雲散盡莫天空
遙見江南數十峯
安得夸娥兩神力
為分蒼翠過淮東

朱翁子負薪卷

金瓶梅詞話卷三十九
富貴危機解殺身是非千古付樵人當時長史魂應悔
不向山中只負薪

題蘭

鷓鴣聲中花片飛楚蘭遺思獨依依春風先自悲芳草
惆悵王孫又不歸

題王戴隱畫山水

額黃銷盡玉嬋娟翠袖凝愁倚暮煙舊日漢宮三十六
更無秋露泣銅仙

題趙仲穆江圃歸帆圖

漁浦八十五里為苧蘿浦口有西施廟存

西施浦頭鴻鴈聲
苧蘿山下於菟行
前村路暗愁未到
回首海天秋月生

今我不樂三章章五句

今我不樂思故山
虎豹盤踞愁難攀
豈無壯士藏閭閻
誰能西鄉發一矢
畏途如此何由還

鷓鴣夜鳴兮天侶
漆煙際爭頭小星
出破窗無鐙望白
日東方未明起擘
衣風雨何來忽蕭
瑟

月白西南星宿稀
蒼無行人蝙蝠飛
步簷蕭蕭露沾衣
目斷天涯徧芳草
王孫不歸春自歸

人鴈吟憫饑也二首

雁飛渡江謀稻梁
江人趁熟亦渡江
雁下江中喑蘋藻
人饑盡屬江中央
天長水闊羅網多
無衣無食可奈何
人聲未斷雁聲起
棄兒呱呱道傍死
不見雁春還北飛
人今去此將何之
歎息人窮不如鳥
何日相隨如雁歸
雁啄啄飛搏搏
江邊虞人縛增繳
人飢處處規爾肉
豈

知雁飢肉更薄城中賣雁不直錢市頭糴米斗五千妻
兒煮糜不敢飽朝朝射雁出江邊不聞關中易子食空
里無人骨生棘縣官賑濟文字來汝尚可生當自力

紫檀箎葉曲贈善吹者任子中

君不見龜茲樂工能新聲截竹插蠶吹月明黃沙磧裏臺
駝斷花門山上浮雲生夜深促節轉悲壯只愁崩倒赤連
城石崖劃裂水泉湧海鵲怒戛風力竦賈胡驚起怨思長都
護罷飲精魂動傳之中國久更新任郎妙解尤絕倫鏤檀作

管如紫玉連蟬錦囊金作束等閒未肯出向人為我酒邊吹
一曲落花撩亂游絲起流鶯無言蛺蝶死當頭獨發調最高
響來直在青雲裏頓令陽春變秋色估粟吳霜飛繞指教坊
絃索慘不驕歌舞堂中靜如水古誰得名今莫比詎數陽陶
與關李南音北譜此正籛舍嚼紛紜徒聒耳我心感慨未易
降已覺滿坐寒縱縱安得酒船百斛乘月去數聲吹黑魚龍江

六月廿六日泛湖遇雨

忽雷瞋睨奔雨急山靈晝藏水僊泣蝦蟆下飲湖水立

恍惚疑有蛟龍入疾風吹裂南天青芙蓉放香薰水腥
吳歌楚舞方爛漫更盡花間雙玉瓶

蟠松引

何年風雨拔老湫乾卧千歲長黃蚪垂胡磔磔髯怒磔
雷火不敢燒其瘤卒然一見勢欲攫況可手捫雙角鯨
縣知根受元氣大跂跂力爭崖石礙樛枝互錯鎖鐵

闕

弓紐闕張歆羽蓋低無玄鶴寄巢居幽有蒼夔出光怪

故人語似靈岳山卧雲之樹同屈蟠身橫百圍容客踞

聲入半空生畫寒畢宏韋偃世無有畫史掉首應嗟難
彼當為甲此為乙造化偏鍾兩奇崛受之欲闕重摩挲
圖讚還須怪魁筆君不見龍門寺千丈齊聳巖崕陰白
日

題林若拙畫孤山圖

孤山處士孤吟處水影月香餘妙句鷗聲叫絕陵谷秋
修竹祠空幾愁莫白雲生根著湖水力盡西風飛不去
何人鞭石下崔嵬中流截斷魚龍路丹青樓觀花如霧

葵麥無情僅前度何似槎牙半死枝百年猶是咸平樹
荒煙壞柳斷橋冰宿葑田深散鷗鷺畫船歌舞不須臾
落落詩名自如故野人亦有滄洲趣安得數椽相近住
長待天寒欲雪時杖藜來訪梅邊墓

題吳性存所藏趙仲穆竹枝雙螭圖與玉山同賦
滿叢鮮碧露團香院落春紅過野芳蛺蝶一生花裏活
飛來還戀竹風涼

玉連環歌為邢從周典簿作

于闐河頭夜光發赤髯賈胡來明月中有美璞凝寒晶
惟有鬼工能琢成伊誰得此邢公子示我綠玉雙連理
恍如空碧虹氣垂半隱青瑤蟾一規展之兩環不盈尺
疊作團團小蒼壁穀文錯落映雷文宛是昆吾寶刀刻
廬陵學士癖好奇辨古重以瓊琚詞珊瑚佩鉤詎可數
我疑制自金源時集賢仙人丈人行鳳閣舍人文有樣
請君留束錦宮袍待看揮毫玉堂上

元詩選初集卷三十九

欽定四庫全書

集部

元詩選初集卷四十

詳校官中書臣王鵬

主事銜臣徐以坤履勘

總校官編修臣王燕緒

校對官檢討臣溫常綬

謄錄監生臣李煥霞

欽定四庫全書

元詩選初集卷四十

庶吉士顧嗣立編

貢師泰玩齋集

師泰字泰甫仲章之子也以國子生中江浙鄉

試釋褐太和州判官薦應奉翰林文字出為紹

興路推官稱治行第一復入翰林遷宣文閣授

經郎累拜監察御史至正十四年擢吏部侍郎

時江淮兵起奉命和糴於浙西改兵部侍郎除

浙西都水庸田使尋拜禮部尚書調平江路總
管張士誠據吳避之海上江浙行省丞相達識
帖睦爾承制授行省參知政事二十年朝命改
戶部尚書俾以閩鹽易糧由海道轉運京師二
十二年召為秘書卿行至海寧卒年六十五泰甫
狀貌偉然既以文字知名而於政事尤長所至
績效暴著詩文甚多有友迂玩齋集真東軒閩南
諸藁門人劉中朱鏊輩類為一編總題曰玩齋

集會稽楊廉夫序之曰本朝古文殊遜前代而詩則過之郝元初變未拔於宋范楊再變未幾於唐至延祐泰定之際虞揭馬宋諸公者作然後極其所摯下顧大厯與元祐上踰六朝而薄風雅吁亦盛矣繼馬宋而起者世惟稱陳李二張而宛陵貢公則又馳騁虞揭馬宋諸公之間未知孰軒而孰輕也蓋仲章雍容館閣翱翔於延祐諸公之間而泰甫當師旅倥傯獨擅文名

於元統至元之後有元之文其季彌盛於宛陵
父子間見之矣

古意二首

功名果何為輕重天下士得之入雲霄不得墮泥滓朝
列三公行莫與匹夫比榮辱既由人富貴非在己胡為
竟迷途白首憂不止縱有蓋世勲僅遺一紙史往者尚
如斯後來亦徒爾乃知巢許流尚蹈良有以

黃金本何物舉世相紛爭賤者可以貴死者可以生既

解平城圍亦散六國衡神用信莫測萬寶孰敢嬰亦有
高世士唾視瓦礫輕寧為凍餓殍不受污辱名斯人儻
可見吾將與同盟嗟哉首陽薇千載有餘清

擬古二首

東南有佳人遠在水一方綺疏繁飛樓曲闌圍洞房意
態閒且靚氣若蘭蕙芳纖阿揚姣服雜佩懸明璫流風
迴皓雪明月舒其光白面誰家子錦鞍青絲韁翩然一
見之下馬立中堂可望不可即五采盛文章

嶰溪有美竹挺挺霜雪中何人斷兩節製為十二簫宮
商自相應鳳鳥鳴雌雄一鳴垂衣裳再鳴致時雍從此
去不返治道竟少隆鄙哉叔孫氏綿蕝變王風寥寥數
千載伊誰啓冥矇后皇如有作聲教垂無窮

遣懷

日入柳風息月上花露多東軒頗幽敞夜靜時一過鳥
散庭中樹蟲鳴堦下莎北斗何低昂疎星沒橫河獨賞誰
晤語感慨成悲歌懷哉巖桂臺邈在姑山阿

感興三首

芙蓉生綠水水綠花更好採花當及時莫待顏色老美人久不見華髮忽已皓因之遺芳馨聊以慰懷抱失意且勿嗟令名當共保

悲風從西來海樹何蕭瑟薄寒中人肌毛髮為慘慄疎林動鳩鵲壞壁鳴蟋蟀出門忽四顧愴恍若有失仰面對青天青天行白日

客有雙寶劒紫氣射牛斗年少乍得之日夜不去手豈

知靈異物佩服終難久一朝騰波去化作蒼龍吼何時
復歸來為國殄羣醜

赴京別親友

崇堤衛芳塘塘上種楊柳楊柳年年青慈親未白首送
我不忍別出門復携手親友陟高岡立馬望良久離懷
急欲醉盡此樽中酒

姑孰道中

朝發慈姥山莫宿吳公橋日入氣猶溽清懷厭煩囂隔

江風雨至綠樹涼蕭蕭鄰舟頗相好有酒忽見招明發
波浪闊相望一何遙

湖上納涼有懷吳子彥

天風吹海樹瑟瑟秋風涼河漢西北流衆星耿微光昔
我同袍友遠在水一方相思不得見展轉清夜長遙聞
鳴笳發攬衣月蒼蒼

題王維輞川圖

開圖縱竒觀江山鬱相繆兩垞矗岌岌重湖渺漭漭

宇抗疏嶺危亭俯圓流春塢辛夷發夏陌高槐稠竹館
翠陰晚黃汧紅實秋遠墅漆未割近園椒欲收驚鳥避
溪泉野鹿逐巖幽日莫川上歸涼飈蕩孤舟靄靄雲氣合
漠漠煙光浮顧思天寶初綱紀壞不修霓裳按妖拍輦
鼓起奸謀豈無匡濟術乃為閒曠留菱歌自來往葩辭
更倡酬遂令摹寫間意度猶可求乾坤多變態江海生
暮愁白鷗飛不去千載空悠悠

河決

去年黃河決高陸為平川今年黃河決長堤沒深淵濁
浪近翻雪洪濤遠舂天滔滔渾疆界浩浩襄市廛初疑
滄海變久若銀漢連怒聲恣砰磕悍氣仍洄漩毒霧飽
魚腹腥風噴龍涎鼃鼃出滾滾雁鳬下翩翩人哭菰蒲
裏舟行桑柘顛豈惟屋廬毀所傷墳墓穿丁男望北走
老稚向南遷縣官出巡防小吏爭弄權社長夜打門里
正朝率錢鳩工具畚鍤排戶加笞鞭分程杵登登會聚
鼓闐闐雖云免覆溺誰復解倒懸瀾漫勢稍降膏血日

已脫流離望安集荒原走疲瘵孤還尚零丁旅至纔屬
聯園池非故態鄰里多可憐貧家租舊地富室買新田
頽垣吠黃犬破屋鳴烏犍秋耕且未得夏麥何由全
泥冷窺風竈土濕生煙頃筐摘餘穗小艇收枯蓮賣嫌
雞鴨瘦食厭魚蝦鮮榆膏綠皮滑蓴蘗紫芽圓乍見情多
感久任心小便金堤塞已潰淇園竹為犍玉壁沈白馬冠
蓋相後先舜禹事疏鑿漢唐勞委填瓠子空作歌寶鼎徒
紀年昨聞山東飢斗米直十千即今江南旱骨肉皆棄捐

倉廩豈不實賑貸猶速遭恐是廊廟遠不聞道路傳恐
是天聽高致使雨露偏小臣思覆載百念倍憂煎躊躇
慘莫發憤結何由宣作詩備采擇孰敢希陶甄平成諒有
在更獻河清篇

採菱女

落日照淮甸中流蕩回光窈窕誰家女採菱在橫塘風
吹荷葉低忽見紅粉粧紅粧背人去驚起雙鴛鴦鴛鴦
去復來煙水空茫茫

題張子英間止齋

薄宦非夙志，況復多艱難。
力辭乃得去，羈紲庶少寬。
僦屋西溪上，聊以挂余冠。
住久鄰里狎，盃酒亦盡歡。
開軒望遠岫，時見孤雲還。
人生徒擾擾，意適心自安。
君亦何為者，而能蚤休官。

彈琴

明月照中堂，光彩爛華席。
美人援素琴，聊以永終夕。
商聲起天末，四坐慘無色。
羈雌動疎林，候蟲在空壁。
携來

京國彈一彈三太息豈傷時序遷知音難再得

遊西山次周伯溫韻

嚴鐘啓城鑰百辟聯佩紳斜漢在昂畢搖光正當寅華
車出廣陌光彩生熙春陰崖凍猶結陽谷景已新雲林
白洶湧石磴青嶙峋先皇昔遊幸顧瞻愴茲辰恍若鐵
馬起空留玉衣陳鼎湖去雖遠元化同其神憑危俯高
樹歷覽窮荒榛梵宇抗疏嶺飛閣騰遐津虛庭潛飈起
白日無纖塵長楊十二衢甲第連居民清時治茲久天

地涵深仁矧茲風氣完且復俗習淳耦耕雜畝畝獨釣
當漪淪高仙去窈邈瑞氣留氤氲於馬契嘉晤頓覺煩
抱伸蹇予敬亭下清池翳修筠時時一瓢酒獨酌不計
巡對此重歸思江海愁畸人

題滕王閣圖

雄城控華甸傑閣臨芳洲飛甍起千仞曲闌圍四周丹
碧何輝煌文采射斗牛帝子去不返頰仰經幾秋江黑
簾雨捲山青棟雲收孤舟天際來揚帆在中流狂飈薄

莫起坐覺增煩憂何當掃重翳白日耀神州開圖發長
嘆天地一浮漚

涇縣石壁道中

萬山從西來中斷忽如劈攢峯阻重關兩崖立堅壁絕
壑噴飛流觸石勢逾激神龍宅其下白晝飛霹靂涉險恐
羸驂凌高快健翮須臾得仙館頗覺契幽寂入竹敞涼
軒掃花吹鐵笛坐久竟忘疲塵襟忽如滌翻思崎嶇間
使我心戚戚

過仙霞嶺

連山界甌閩茲嶺亦峻極傑觀奠方陞高標麗園則淋漓割元氣黯澹帶古色綿亘姑蔑墟蒼翠欲四塞仙霞高燭天五采絢赫葩萬仞聳崢嶸百里見孤特稜角露毫芒縷脉界縫絨我行任綱紀逾月來自北道途多艱虞況乃事登陟初緣複磴危漸轉重關側攢峯與疊巘盡日走崩劣連岡躡衙衙絕壑瞰冒冒遠岫忽已遠近隴復相逼躋攀苦分寸跬步輒止疑若然造曾顛軒豁

始有得或列若屏幃或限若戶闕或偃若覆釜或俯若
鼎鉞或恭若執圭或竦若憑軾或尊若受朝或卑若就
職或若孤鶴駕或若萬馬勒或若華蓋張或若夫容植或
淨若新沐或靚若初飾或爭先若馳或嚴整若飭或若
進而拱或若退而効或偃若將趨或顛若將踣或堅若
長城或錯若列國或聯若串珠或牽若微纆或搏若熊
羆或射若虺蜮或冕若華旒或屨若赤纁或顚顚若昂
或踽踽若抑或軒軒若舉或悄悄若默或欣欣若喜或

慊慊若戚或駸若蠢愚或頽若歧嶷或窮若龜曝或直若隼革或差若頡頃或比若福移或倚若弓劒或羅若罟罟或銳若戈矛或卓若槃杙或渥焉若丹或黝焉若墨或離焉若愁或俛焉若盡或儼焉若思或慘焉若憶或啗訝若噬或鏡削若尅崎嶇厯萬狀態轉惶惑矯首勞脰脰舉膝撐胷臆僕夫盡劬瘁負擔屢蒲伏健駭猿獠勢快羨飛鳥翼長風度林薄草樹紛偃仄雲歸窺竇昏潤滴嵌巖泐涓流乍逶迤懸溜竟湍沔豫章間梗

楠榛莽翳柞栲野草結山果瑣碎多不識爛漫錦機翻
離披翠羽織竹籟笙鳳鳴藤雨淵珠滴濃淡各異態不
豐亦不嗇根露獸鬬歌株巧人立直幽谷嗥怪禽坳塘
落鵝鵝古柴蔓草荒廢井苔蘚蝕茅屋列二三亂石羅
萬億水耕雜秔稌火種饒黍稷寒泉漫蹲鴟饑食同稼
穡憑高漫徘徊得蔭暫休息掬水滌煩襟坐愛清湜湜
仰看高空青俯視深潭黑其上浩無際其下深莫測豈
惟龍蛇都實乃虎豹域前瞻已出險後顧猶未即我行

既已遠我志敢不力倉皇問前途日挂半岩是峻坂注
迢迢憂心動惻惻自從黃巢亂近復多盜賊敗屋雖僅
存居者間逃匿窓牖旋遮護几案忙拂拭頽然就牀枕
強起具蔬食新醕薦茅柴晚飯飮蘆菹豈不念馳驅王
事亦孔棘江東戰未已閩南病尤亟所當效微忠孰敢
怠晷刻吾道豈無補憲度亦有式民風轉移間要在盡
悃幅豈徒慰凋疲庶將別淑慝追踪古聞人上以報皇
德

天台林氏山齋瀑布泉

飛龍上青天忽聽山石裂怒驅萬壑雷散作半空雪脫
巾弄潺湲展席映澄澈毛髮為森立盡洗人間熱浩歌
下山去日莫風烈烈

送劉子還江右

晨飈起庭柯落葉當階積流光儵云變感此送行客遠
行歸無期況與親友隔潛魚無縱鱗倦鳥思斂翼物理
且如此人事徒役役徘徊激中腸衣上霜露白

秋夜和韓與王

齋居在城西庭戶頗幽敞涼風起高樹落葉時時響境
靜人少來理悟心自賞方忻結同盟慎勿成獨往

蘭臯雅集

弭節蘭江渚散策嘉樹林良儔亦以集式慰離索心列
坐引䟽酌豐歡契冲襟風清暑氣薄日落潭水深高蔭
多鳴蜩時時曳餘音豈無繾綣意淹留畏官箴煙塵庶
可息吾將遂投簪

題伊尹耕莘圖

碧海晝沸白日淪禹鼎欲徙湯網仁長繩短筆行斃躋
驅牛獨耕莘野雪有時仰面一長吁青天漫漫風烈烈
身居畎畝堯舜心忍看民生隨昏沈乾坤闔闔係出處
幡然起作商家霖先農有詩亦有譜後世南陽詠梁父
段節婦吟

河可塞山可移志不可奪義不可虧妾為段家婦年紀
方及笄上堂奉翁姑入室携兩兒兒死夫亦死此生將

何為昔如雙鴛鴦今日為孤雌昔如三春花今日成枯
枝寒風吹短髮明月照空帷百年在世能幾時父兮母
兮不我知青天在上將誰欺

金谿縣葛烈女廟

金谿廟前草離離金谿廟中兩女兒青山猶似舊時色
流水不盡行人悲翠翹珠珥垂孔雀廟門深鎖藤華落
靈風蕭颯半空來髣髴音容啓珠箔憶昔里中初賦銀
銀賦日急家日貧父身撈掠痛欲絕女心憤結何由伸

鬼狐夜號天漆黑大冶騰騰火光烈可憐踴躍雙蛾眉
變作兼金白如雪君不見緹榮上書更肉刑木蘭遠赴
可汗兵固知才畧過男子不如孝女英烈能捐生又不
見湘妃江邊淚斑竹韓憑冢上連理木固知精誠可相
召不如孝女感化獨神速赤龍並駕參嬋娟萬古日月
懸中天人生雖死名不死吁嗟丈夫應愧爾

送國字張教授

九鳥彈羽鰲斷足六龍飛光晝相逐何人造書泄機巧

夜夜天陰聞鬼哭岐山鳳遠科斗空弋鳥及蟲漸湮伏
太史方垂鼎足金丞相已變釵頭玉下邳拘囚死復生
三千晚奏雲陽獄自從毛錐擅楷法今古紛紛踵遺躅
天生真人起北方更遣浮圖出身毒六書垂世盡諧聲
八體彌文貴句曲黃鍾大呂徒協和鐵畫銀鈎漫摹錄
大音直與造化同陰翕陽舒驗疏數先生典故元非輕
直使昌言被殊俗歸來繫馬在堂堦莫厭微官就羈束
人生得志亦有時萬里晴天佇黃鵠

黃河行

黃河水水闊無邊深無底其來不知幾萬里或云崑崙
之山出西紀元氣融結自茲始地維崩兮天柱折於是
橫奔逆激日夜流不已九功歌成四載止黃熊化作蒼
龍尾雙虹鑿斷海門開兩鄂嶄嶄尚中峙盤渦盪激回
湍衝射懸崖飛沙斷岸決石瞬息而爭靡洪濤巨浪相
喧逐怒聲不住從天來初如雨軍戰方合飛礮忽下堅
壁摧又如豐隆起行雨鞭笞鐵騎驅奔雷半空澎湃落

銀屋勢連渤海吞淮瀆天吳九首兮魑魅獨足潛潭雨
過老蛟吟明月夜照鮫人哭扁舟側挂帆一幅滿耳蕭
蕭鳥飛速徐邳千里半日程轉盼青山小如粟吁嗟雄
哉其水一石其泥數斗滔滔汨汨兮同宇宙之悠久汎
中流以擊楫兮招羣仙而揮手好風兮東來酹河伯兮
盃酒

為郭宗道祭酒題韓滉移居圖

田夫生長田間住辛苦移家向何處老牛帶犢驢引駒

婦姑騎過前村去牽衣裏兒囊在肩瓠壺瓦缶縣蒲羈一
童髻髻隨左右兩髻偃偻相後先新來茅屋徙四壁東
鄰西鄰不相識種田未了主家租又恐官司著差役唐
朝宰相韓晉公念爾流離多困窮當時落筆豈無意正
欲廊廟知民風願得轉徙安居室周公亦曾作無逸
分題得姑蘇臺送吳元振赴江浙省左丞

姑蘇城外江水綠姑蘇臺是吳王築吳王燕罷越王來
館娃夜冷宮門開落花飛去春無迹江邊却起姑蘇驛

馬頭旌節何皇皇
侯吏傳呼謁道傍
孤山梅白堤柳黃
相君入坐中書堂

題山水圖

前山後山雲亂起
山脚入溪清見底
溪南更有山外山
散如浮塵聚如米
老楓枯櫟葉紛紛
下有人家深閉門
釣絲欲收風浪急
却回雙艇來籬根
老翁曳杖行偃僂
一童負樵一童斧
筆端意度盡神妙
卷裏衣冠自淳古
商周寂寞經幾秦
後來莘渭寧無人
茫茫耕釣去不已

武陵竟隔桃花春

題江陰丘文中山水圖

老龍渴飲池中墨飛上半天成崩劣雲煙著地凝不開
白晝神驅太陰黑筆端巧奪造化功咫尺峯巒千萬重
長林似洒楓葉雨虛亭不動松花風隔江更有山無數
江上扁舟纔半渡他年白髮許重來為君別寫容城賦
書河上成安驛

扁舟落日成安驛驛前危檣密如簣岸高浪急不得前

爭先進寸復退尺須臾纔定心稍安獨據胡牀坐深夕
水邊燈影正晶瑩陌上鈴聲還絡繹纔聽打鼓按官船
又見驅車送行客攬衣近前試問誰往來一日多數百
中原征需苦繁劇江南轉輸原督責況今使者類狼貪
水陸鮮肥隨口索致令編戶疲差役生計蕭條徒四壁
已將弱女納官錢更遣中男補丁額曩時河上幾人家
今日飄零竟無迹請君置此勿復言言罷空令愁思積
幾點殘星散空碧船頭別我東窓白

次赤城驛

老夫辭家今一月馬上行行過冬節山空野曠風栗烈
木皮三尺吹欲裂貂帽狐裘冷如鐵癡雲作雪還未雪
自是天公念鴛劣上高下高隨小驥裏轡哦詩亦清絕
人生何苦事羈紲候吏來迎稍羅列入門登堂火微爇
須臾凍解通身熱

楊白花

楊白花無定止昨日宮中飛今朝渡江水江水茫茫千

萬里綿輕雪薄春旖旎把臂踏歌歌未已石頭城邊風亂起楊白花無定止

學圃吟

江邊乞地學種蔬周遭步量弓百餘十日去耕十日鋤耕鋤未畢僕已痛東家倩人不受呼西家倩人納官租菜苗蟲食且半枯昨朝許有今朝無出門抱甕空躊躇南鄰老圃笑我迂共倚大樹立須臾手把一卷神農書口稱此事焉可誣治土貴熟壅貴腴三犁兩耜工力俱

燥溼得所避亢淤田不犖确堅已狃深畦淺壟畫成區
四分井字旁通渠瀏瀏野水翻渴烏然後種藝皆榮敷
寒暑按節順弗踰風和日媚雨露濡水崧山芥菠蔕苽
韭黃薤白蔥蒾蘇綠葵青藿華靚姝藻荇芹茹蘋紫蕪
瓜瓞茭藕苔筍蒲蔓菁蘆菰連根株牡丹芍藥萼重趺
茄房豆莢懸瓠壺紫薑紅蓼鬱睢胡玉延蹲鴟巧相扶
皮毛脫迸明月珠長頸短脰膩理膚冰漿雪液如凝酥翠
鱗銀甲虬髯鬚魁首肥顏施丹朱琅玕琥珀鈎珊瑚鏡

劇摘掇視密疎多盈筐箱少盈裾削剥淹漬後膳奴甘
脆魚微薌味殊主真翼翼賓于于熟可羹芼生可咀適
口絕勝羞仙厨子欲學圃不蚤圖只今後時將何如列
鼎肉食稱鄙夫魚膾日厭葷與魚請子置之勿次且褻
衣博帶歸爾儒吾計子食當晨晡家園自足供所需子
嗤翁言亦何愚翁實勤苦少暇娛白鬚黑面形瘠癯曠
即胼胝汗輓輻滂即腰脰沒垢汙矧茲惡苴與苦荼加
以臭蒜雜穢萎邪蒿濁莧蕪滑榆多食嘔泄神志瘡得

失往往如瑕瑜西伯愛歌垂聖謨大官專膳國以墟曾
哲嗜棗宣尼徒亦有請學譏樊須孤竹採薇終餓殂屈
到好艾竟離居元亮隱菊多令譽諸葛元修名豈虛陶
家蠶甕庾家菹黃金不聘蘇東湖是非榮辱理不渝世
間萬物皆乘除翁言固辨亦過諛鄰家有酒且共沽酣
酣仰面一長吁忽見黃鸝翔天衢

秦郵露筋廟

飛蚊撇天連白草落日荒原泣姑嫂嫂留旁舍姑獨行

花顏夜委長淮道亂聲鼓翅腹正飢利背嚙膚血方飽
妾行豈不念辛苦死重如山生似羽欲識當年一寸心
廟前老樹啼春雨

吳中曲送楊伯幾南遊

鯉魚風起波紋綠枯葭折蘆啼寒玉榜聲催曉渡江心
驀聽吳娃舊時曲楊郎年少輕別離三尺光芒練帶垂
虎丘山頭候月出靈巖洞口看雲飛梅花雪點身上衣
慈母倚門聽馬歸

送張介臣伴讀歸省濟南

寒天迷濛日脚消雪花散亂風飄蕭重裘著體如壓鐵
呼酒不來寒正驕東風匹馬去千里仰視王屋當雲霄
到家方慰母心喜入門更聽兒啼嬌華燈夜照舞衣熱
髣髴鳴鳳和笙簫暗黃著柳垂長條虎闌春信趣還鑣
一杯遲子城南橋

友人赴陝西作縣

角聲吹起滿城雪北風蕭蕭嘶小驥銀瓶細溜蒲萄熟

三疊歌殘人欲別，長安西去山嵯峨。
野曠春濃詩思多，縣深花拂琴絲和。
小吏呼籌衙又過，莫忘都門送時節。
楊柳枝寒不堪折。

輓陳堯

草廬吳先生門人也，有俊才，
卒年十八，其妻亦痛哭而絕。

乘舟沃酒魚口熱，小袖萊衣雙鳳結。
春歸白玉不禁寒，雪兔西沈半山闕。
望夫化去孤石裂，苑與韓憑誓同穴。
鬼狐寒食上新丘，陰風自掃梨花雪。

鐵崖曰：玩齋為子通家，每令評其所著。如東南有佳人，
岷谷有美竹，深得比興。日入柳風息，芙蓉生綠水。

遠詣選體厚倫理如風樹春暉樹風操如葛烈女段
節婦李貞母陳堯妻感古如蒼梧滕閣紀變如河決蘇
臺論人物如耕莘蹈海遊方之外如子虛道人楊白
花吳中曲有古樂府遺音國字黃河可補本朝闕製
其他所作固未
可一二數也

關山月送殷文學還浙西

白波洶湧風初起綠煙漸墮水壺裏林鳥沙鷗寒不棲
萬頃玻璃淨如水攬衣推戶仰視天一寸鄉心幾千里
僕夫在門嚴戒程宵人呼籌催罷更街頭蕭蕭馬初過
城中角角鷄亂鳴嗟哉我亦天涯客握手欲別難為情

遙憐後夜相思處楓葉滄江一船住

一作輕

太平三山值風

天塹東南地長江日夜流大風吹水立驟雨挾山浮浩
蕩掀黃鵠歌傾舞白鷗莫憐舟似葉此亦壯哉遊

遊麻姑萬松菴

積雨變秋思清遊愜道心過橋分履迹問寺逐鍾音紅
墮烏爭果綠深魚占陰何當脫塵鞅重此契幽尋

遊江陰君山

孤嶂臨滄海，千山湧大江。
遠帆歸市獨，高塔倒波雙。
鷗鷺爭洲溼，蛟龍怒石矼。
壯遊心未已，飛雨灑樓窗。

聽雨堂為周叔量賦

聽雨高堂上，君家好弟兄。
樹深催暮色，竹密助秋聲。
列坐情方適，連牀夢屢驚。
却憐江海闊，鴻鴈每孤征。

台州寄楊子秀

路轉千峯合，溪通一帶斜。
飯炊黃渡雪，酒染赤城霞。
未訪仙人宅，先尋博士家。
近聞歸隱處，盡種碧桃花。

興化湄州島祠天妃還

夜宿吳山上朝行莆海東地偏元少雪天闊自多風不
見波濤險寧知造化功百年神女廟長護海霞紅

送李盤野

秋水芙蓉岸孤帆天上歸青山四面起白鴈數行飛里
父供新釀家人澣舊衣封侯定何事且理釣魚磯

送蒙古彭教授往高州

萬里高州路憐君此日行藤陰頻駐馬榕葉亂啼鴛人

到烏蠻異官同博士清定知江海上殊俗盡諧聲

赤城

山近雲連驛沙虛雪擁村瓠壺縣穀種土銕爨柴根凍
雀來依慢晨鷄立傍門客中甘澹泊不必問盤飧

題黃觀瀾卷

碧天看不盡滄海去無邊氣涌風雷動光涵日月縣奇
文方浩瀚餘景尚漪漣好種珊瑚樹他年繫釣船

奉晚書懷二首

東吳喪亂後消息竟何如日望平安信空傳報捷書壯
心徒感激老淚獨歎歎坐對垂楊晚行人江上疎
江黑雨將至水高潮正來花隨兩岸別鷗逐片帆開世
治逢多難吾生愧不才飄零添白髮見者莫驚猜

寄靜菴上人

細雨桐花晚微風麥氣秋王符偏好學宋玉不勝愁世
事同蕉鹿人心類棘猴何時虎溪上還共遠師遊

憶姪景

自汝南臺去棲遲兩見春鼓鼙江上月烽火海邊塵衰
病全非昔傳聞總不真近知更大將旗幟一時新

和馬仲臯立秋韻

酒盡青山莫書從白鴈過長風斷疎雨闕月挂明河故
國逢人少新秋到客多不知滄海上何日罷干戈

題朱質夫東野草堂

幽人海昌住草屋向村墟闕竹頻呼鶴分泉漫種魚梨
花春巷冷榆葉夜窗虛細雨篝燈火匡牀正讀書

洪棧驛

萬壑從東下羣峯向北圍牛車經水去驢馱負薪歸隙
日斜窺戶尖風直透衣羈懷正無賴一鷄向南飛

和石田馬學士殿試後韻

并序

丁卯歲學士與先君同為讀卷官在院倡和甚
多此則放榜後所作韻也

春風馳道入宮牆青瑣溪沈引夕郎草染綠波生太液
花扶紅日上披香聲名已重千金璧恩寵方隆七寶牀

治世斯文令極盛
九天星斗自成章

送陳太祝使江浙收禮器樂書二首

天子齊明奉宗廟
容臺祇飭備儀章
雲雷出地雕彝鼎
日月懸天畫裳
驛騎晝停山木蔭
船窗風度水花涼
過家莫醉紅樓月
上國迴鸞欲禘嘗

六月樓船泛御河
太平樂譜自編摩
鳳鳴解谷曾吹律
馬出蒲梢更作歌
古尺要將諸部定
新聲還用四清和
器成蚤入神庭奏
人頌明時瑞應多

崇真宮醮罷勅畫吳宗師像

海日曈曈照九衢
霓旌霞旆擁高居
尚方勅畫仙官像
中使傳宣學士書
劒氣朝寒垂白練
丹光夜暖出紅蕖
石壇醮罷清如水
猶聽松陰起步虛

畫馬

漢家旌節渡流沙
奪得戎王鐵喙騮
天上白魚秋弄影
月中玄兔夜生花
九圖妙入將軍筆
八駿神空阿母家
獨控奚官更超絕
長椒錦隊漫如霞

送黎兵胡萬戶南還

將軍仗策去安邊
詔下東南萬里天
雲海旌麾趨玉帳
春江鼓角載樓船
黎人滿溜檳榔水
蜚戶齊分牡蠣田
遙想軍中無一事
坐驅千騎獵平川

送陶翁歸豫章

秋雨初晴穉徑香
蟹紅魚白憶江鄉
十年客枕鷄聲月
千里歸帆鴈背霜
入室親朋羅酒饌
上堂兒女挽衣裳
逢人莫說京華事
漢署今無白髮郎

送壽弘毅應奉赴興國路經歷

院門深鎖落松花東接蓬萊小海斜絳蠟夜深催視草
紫泥春草聽宣麻鳳凰池上人辭直鴻鴈江南客過家
幙府秋來清似水吟詩應對白鷗沙

天壽節日大明宮朝罷口占簡張約中博士

金門珠箔轉迴廊文武分班有舊章花露重沾腰珮溼
松風輕度鬢絲涼仗隨騏驎通朝貢盃進夔龍祝壽康
最喜太常張博士清標如雪照鴈行

送林希元應奉赴上虞縣尹

居庸雪消河水深南行賴有買舟金相如多病因能賦
東野長貧為苦吟已許姓名辭鳳闕更傳聲價到鷄林
白頭作縣臨東海誰識先生去住心

送余廷季赴海東僉憲

綠髮相從白髮生都門握手倍多情論交豈少新朋友
對酒何如老弟兄玉節繡衣江上騎苑花宮柳日邊鶯
使星一夜移東海定遣文章到兩京

送蘇伯修侍郎赴淮東廉使

黃金臺上受新恩，還向長楊謁至尊。
行殿曉寒頒玉節，驛亭春暖簇朱幡。
青蒲葉短煙波闊，黃柳枝長雪水渾。
別後新詩好相寄，廣陵冠蓋接都門。

題四川張萬戶夫人貞節卷

白帝樓前巷陌深，將軍旌旆正沈沈。
玉簫聲斷孤鸞曲，綠綺絃空別鶴吟。
豈是人生輕一羽，要知身死重千金。
春風冢上連枝樹，只有韓憑會此心。

贈仙居散人

青山四面玉崖栽，中有山人隱薜蘿。
細雨閒門芳草滿，微風深澗落花多。
重窺丹竈時驚鶴，客寫黃庭欲換鵝。
我亦平生愛疏散，春來應許謝朝珂。

送東流葉縣尹

江流東下縣南遷，一簇人煙野岸邊。
菽筲洲青鷗鳥狎，楊花浪白鱗魚鮮。
印來聚吏排衙鼓，社到隨民出俸錢。
應是繡衣行部處，攔街齊頌長官賢。

廣微天師祈雪有應詩以美之

九枝燈照碧壇空
龍虎旗高滿殿風
綠簡夜深朝玉陛
素幢春淺拂珠宮
一天凍色星河合
萬里冰華陸海同
明日內家應錫宴
綵符爭取綴釵蟲

送連子奇歸隱贛州

薊門風冷白鵝來
萬里孤舟一日開
去路定過彭澤縣
到家重上鬱孤臺
煮茶林下收黃葉
理釣磯邊埽綠苔
太史明朝占處士
少微依舊傍三台

上都詐馬大燕五首

紫雲扶日上璇題萬騎來朝隊仗齊
織翠轡長攢孔雀
鏤金鞍重嵌文犀行迎御輦爭先避
立近天墀不敢嘶
十二街頭人聚看傳言丞相過沙堤

梭櫚別殿擁仙曹寶蓋沈沈御坐高
丹鳳銜珠裝騷裊
玉龍蟠甕注葡萄百年典禮威儀盛
一代衣冠意氣豪
中使傳宣捲珠箔日華偏照鬱金袍

卿雲弄彩日重暉一色金沙接翠微
野韭露肥黃鼠出

地椒風軟白翎飛水精殿上開珠扇雲母屏中見袞衣
走馬何人偏醉甚錦鞬賜得海青歸

簫韶九奏南風起沙燕高低撲繡簾醕醕酒多杯迭進
鷓鴣香少火重添舊分宮錦緣衣禡新賜奩珠簇帽簷
日午大官供異味金盤更換水晶鹽

清涼上國勝瑤池四海梯航燕一時豈謂朝廷誇盛大
要同民物樂雍熙當筵受几存周禮拔劍論功陋漢儀
此日從官多獻賦何人為誦武公詩

過柳河

野曠山寒露易霜
短榆疎柳路茫茫
雨來黃潦聚成海
風過白沙堆作岡
驛館到時逢數騎
馳車宿處錯羣羊
客懷政爾無聊賴
忽見南飛鴈一行

送上都吳學錄歸河東就試

驅車直渡灤河水
千里青山半月程
自信文章當世用
人言書劍到家榮
上林久已稱司馬
宣室終須召賈生
料得鳳池春色滿
柳陰立馬共聽鶯

寄王魯川推官

公庭草綠訟聲稀時見雙雙蛺蝶飛
曹史盡隨衙鼓散
理官獨抱獄書歸
曾同太守行紅旆
更與高僧別翠微
近報南臺多辟薦
殿前早晚賜朝衣

送宋仁甫赴池州陰陽教授

北風吹雪路漫漫
萬里荆門客正寒
自愛青衫同博士
也勝白髮老長安
城南款段此時別
江上芙蓉到日看
我亦春來買舟去
九華絕頂望揚瀾

贈寫神鏡塘上人歸京口

鶴翎風動碧天涼
寶月新凝百鍊霜
水面散成千種影
波心元只一輪光
玉簪道士來空室
金粟維摩現十方
此去要觀真法相
却收畫本過維揚

新蝶

杏樹生香蠹化成
向人飛下不勝情
寒辭薄翅猶粘粉
暖溢柔鬚始弄晴
燕舞盤中嫌露重
鶯歌扇底避風輕
春閨未解南華夢
乞與滕王為寫生

送明原道赴南豐判官

日華西轉萬年枝，記得甘泉奏賦歸。
佩馬新迎州倅節，緋魚舊賜從臣衣。
詩成江驛梅花瘦，酒醒山城蕨菜肥。
為謝南豐舊詩友，白鷗春夢繞苔磯。

送江西傅與礪赴廣州教授

買得吳船便欲東，更騎羸馬別諸公。
文聲久許江西盛，詩律因歸海外工。
人羨義陽封介子，客從秦時薦揚雄。
五羊城下南風起，茉莉花香荔子紅。

冠州

萬里關山鬢易華
冠州橋下御河斜
千門煙冷分榆火
三月春寒見杏花
新水聚船人趁市
順風吹旆客還家
莫憐書劍頻漂泊
擬學東陵老種瓜

朱仲文編修還江西諸公分題賦詩為餞予適同
載南歸約至揚子橋分別因為賦此

瓜洲渡口山如浪
揚子橋頭水似雲
夾岸芙蓉紅旖旎
滿汀楊柳綠紛紛
一杯酒向今朝別
萬里船從此處分

他日重來須艤櫂莫教驚散白鷗羣

晚泊邳州

一帶黃河百折灣下邳城外更潺湲煙迷兩岸疑無地
日落中原喜有山法重鹽租嚴犯界官多魚稅倍征關
白頭父老相逢處猶似圮橋授履還

彭城懷古

戲馬臺前擁旆旌三齊纔破到彭城項王帳底猶虞舞
漢祖軍中盡楚聲百二山河功自棄八千弟子勢都傾

月明間却烏江渡長使英雄恨不平

揚州別幹克莊僉憲

紅日東生綠霧收海風吹客到揚州露分仙掌金盤冷
香動瓊花玉樹秋使者乘驄開大府仙人騎鶴醉高樓
朝來別我垂楊岸珂佩如雲簇水頭

峨眉亭

霧作衣裳雲作屏玻璃萬頃著娉婷望夫石上偏多雨
織女河邊欲隕星蟬螀夏涼收淺絳蟾蜍秋冷抹長青

可憐天際微顰處六代興亡一夢醒

題丁元善鍊師陽明樓

賀老家西百尺樓好山多處稱仙遊
丹光散作霞千縷
劍氣吹成月一鉤
窗外鶴歸遶海莫袖中龍起鑑湖秋
道人久直黃金殿可使歸來雪滿頭

劉山驛

開窗坐看千峯頂對酒還思萬里程
飛雨遠隨松子落
溼雲近向樹頭生
正愁絕
僻鳥鳶背忽聽半空鷄犬聲

安得身騎遼海鶴，偏遊八極醉吹笙。

贈漳南巡檢許以衷

將軍早獻安邊策，手挽強弓起七閩。
正為功名輕萬里，已知勇畧冠千人。
風鳴鼓角山村曉，日射旌旗海戍春。
匹馬何時渡江水，笑談為國埽妖氛。

建德城西寺

山門東轉步廊深，長日禪房占綠陰。
松徑雨晴添虎跡，竹潭風冷聽龍吟。
上林久說相如賦，故里徒誇季子金。

獨坐胡牀看明月不知涼露溼衣襟

贈天台李鍊師

翠蛟青鳳下晴空家住天台第幾重
歲久松肪成琥珀夜深丹氣出夫容
仙童奏簡騎文虎太乙懸旗起絳龍
昨夜從師到天上故山還著白雲封

泉州驛別太守僕世玉

老夫欲起猶便睡候吏頻催却治行
萬里煙雲隨驥足五更風雨雜雞聲
乾坤笑我應無補江海逢君倍有情

且解金魚沽別酒洛陽橋下正潮平

風涇舟中

白髮飄蕭寄短篷春深杯酒憶曾同落花洲渚鷗迎雨
芳草池塘燕避風烽火此時連海上音書何日到山中
故人別後遙相望夜夜空隨斗柄東

吳景文居庭牡丹盛開飲後有感

韶光天遣屬君家猶是東京第一花金鼎夜寒團絳雲
錦機春暖簇紅霞倚風忽作纏頭舞避日還將便面遮

薄莫闌干同醉倚却憐孤客鬢先華

送有亭姪還錢唐

嗣宗諸姪仲容賢客路飄零雪滿顛曾為頌椒留子美
却思戲蠟愛僧虔十年江海三杯酒百里溪山一釣船
何日兵戈得休息敬亭春雨共歸田

次韻李清叔元夕

絳燭燒煙散滿城九衢車馬似潮聲山河影轉琉璃薄
陸海光浮菡萏平蝶睡誤翻歌扇暖鵲驚疑報畫檐晴

夜闌人靜天如水依舊殘星數點明

蘇子瞻畫像

老龍起深夜來聽洞簫聲酒盡客亦醉滿江空月明

龍虎山十詠

錄四

金鷄山

巨靈劈山石飛出黃金鷄至今山下人猶聽雲中啼

象山

載寶出西域獻琛自南溟仙人一叱之化作青峻嶒

龍井

寶劍落深潭時時見光怪鱗甲飛上天白晝風雨快

雲臺山

天星二十八下作漢廷將功成歸帝傍精彩射石上

明仁殿進講五首

春日君王出殿遲千官簾外立多時觚稜雪轉寒無奈
先許儒臣到講帷

黃綾寫本奏經筵正是虞書第二篇聖主從容聽講罷

許教留在御牀邊

殿前冠佩儼成行
玉枕金瓶進早湯
自愧平生飯藜藿
朝來得食太官羊

黃金為帶玉為檐
劍戟如林衛紫髯
也愛儒臣勤講讀
向前輕揭虎皮簾

奏對歸來日已西
獨騎瘦馬踏春泥
行從海子橋邊過
猶望宮城柳色齊

送人歸廬州

淮水春深綠似苔故人天上恰歸來
丹舟繫在門前樹猶記行時手自栽

題淵明小像

烏帽青鞵白鹿裘山中甲子自春秋
呼童檢點門前柳莫放飛花過石頭

和馬伯庸學士擬古宮詞七首

城上鴉啼曙色催五門三殿一時開
玉皇不許羣仙見隱隱車聲天上來

綠池香水出夫容十二釵寒妬玉蟲只恐禁園今夜雨
華清明日又西風

寶扇微開萬樂從紫衣扶輦出行宮近臣侍罷櫻桃宴
更遣黃門送兩籠

紫雲扶日上盤盤花氣薰衣露始乾行處不禁春色惱
回身却倚玉闌干

睡思厭厭易入眉繡簾低下燕歸遲黛鬟不整釵梁顰
滿院楊花夢覺時

殿頭昨夜報春殘，盡放宮人賞牡丹。
獨有沈香亭北畔，一枝偏許八姨看。

雲影微開日脚垂，杏花深院落遊絲。
不知誰動秋千索，驚起黃鸝過別枝。

和胡士恭灤陽納鉢即事韻五首

紫駝峯挂葡萄酒，白馬鬣縣芍藥花。
繡帽宮人傳旨出，黃門伴送內臣家。

野闊天垂風露多，白翎飛處草如波。
髯奴醉起傾渾脫，

馬湮香甜奈樂何

蕎麥花深野韭肥
烏桓城下客行稀
健兒掘地得黃鼠
日莫騎羊齊唱歸

新教生駒不受騎
小紅車裏簇歸時
鉤簾醉卧氍毹月
不省人間有別離

野館吹鐙夜未央
薄寒偏透越羅裳
出門不記人行路
馬首惟占北斗光

秋日巡按松州時山谷寒甚公事絕少為賦此

秋風撼撼衣綿薄夜雨蕭蕭燭焰低萬里江南才夢覺
此身元自客遼西

雲葉繽紛雪弄花小營近午却排衙分司御史渾無事
又鞚青驄踏白沙

詠塵

春城花露欲生泥十二街頭漫漫飛落絮游絲共無賴
半粘香汗半羅衣

發通州

日日思歸未有期及歸翻恨數年遲
開船聽得吳歌起
絕似閭門送別時

送王元伯遊金陵并簡樊時中都事王德常管勾
閉門十日九風雨熟睡不知春
水生樹上啼烏忽驚覺
故人只在石頭城

題畫

樹閣參差煙水村涼風擱葉下紛紛
何人理釣秋江上
驚起新來白鴈羣

灤河曲二首

推髻使來交趾國
橐駝車宿李陵臺
遙聞徹夜鈴聲過
知進六宮瓜果迴

白沙岡頭齊下馬
為拾關支八寶鞭
忽見草間長十八
衆人分插帽檐前

水仙二首

太液池邊雪始乾
曉粧初試佩珊珊
簾鉤欲下東風細
猶夢珠宮扇影寒

十二瑤臺風露寒
銀河澹澹月團團
龍宮自與塵凡隔
別有銖衣白玉冠

重過丹陽寄錢成夫

青山西去水東流
兩岸飛花送客舟
何事闔門行一月
不能三日到宣州

姑蘇臺

當時何事太情多
不悟危機出芋蘿
一夜月明天似水
吳王臺上越王歌

予過吳中得畫一幅孤客拔起有類鴈蕩仙都者

因題贈宋居仁

鴈蕩秋深玉柱寒老夫曾此駐征鞍開圖一見青山色
猶似當時馬上看

西湖竹枝詞二首

葛嶺東家是相門當年甲第入青雲樓船撐入裏湖去

可曾望見岳王墳

此詩以鐵崖竹枝倡和本錄入其本集所載稍不同云葛嶺西邊師相宅

潭潭府第欲連雲別買樓船
過湖去可曾看見岳王墳

芙蓉葉底雙鴛鴦飛來飛去在橫塘人生多少不如意
水遠山長難見郎

贈錢唐琴士

畫船載酒西湖上一日笙歌幾萬錢獨抱孤桐向何處
夜深彈月上青天

釣臺

并序

嚴陵釣臺詩古今作者甚多或高其隱或議其
果二者皆不為無見余故並存焉觀者應為一

卷四十
莞也

百戰關河血未乾
漢家宗社要重安
當時盡著羊裘去
誰向雲臺畫裏看

青山如馬復如龍
滄海東來第幾重
不是狂奴輕萬乘
世間誰不受牢籠

題楊德章監憲賀蘭山圖

太陰為峯雪為瀑
萬里西來一方玉
使君坐對賀蘭圖
不數江南衆山綠

吳淞江上漫興二首

白月滿天江水平銀河垂地寂無聲披衣獨坐過夜半
撥刺跳魚時一鳴

露冷草根鳴蟋蟀雨晴花影轉蛸蠨一家四散知何在
獨對林間喜鵲巢

嘉靖間建安李尚書默書玩齋集後云予在宣州諸
生貢安國者為言其先世禮部公寓海寧時自名其
里為小桃源元命既革宋學士景濂嘗邀之公為置
酒飲夜分乃起就卧仰藥而斃按元史載公文章行
蹟甚備門人朱鋌作紀年錄但稱病篤豈史氏與其
賓客皆諱之邪紀年錄云至正十六年正月張士誠

臨平江公抱印隱居吳淞江上主釣臺山長吳景文
家易姓名端木氏號戾契子淵翁作幽懷賦以自
見二十二年卒於海寧寓舍秘書少監揭
泐墓誌所載亦然未可以傳聞為據也

上京大宴和樊時中侍御

一元開大統四海會時髦畿甸包幽薊天門啓應皋羣
黎皆屬望百辟盡勤勞蕃國來琛獻邊陲絕繹騷
龍尾匣弓屬虎皮橐列聖尊皇極元臣異節旄宗盟存
帶礪世胃出英豪歲駕嚴先蹕居人望左肅平沙班詐
馬別殿燕梭毛鳳簇珍珠帽龍盤錦繡袍扇分雲母薄

屏晃水晶高馬潼浮犀枕駝峯落寶刀暖茵攢芍藥涼
甕酌葡萄舞轉星河影歌騰陸海濤齊聲纔起和頓足
復分曹急管催瑤席繁絃壓紫槽明良真曠遇熙洽喜
重遭化類工成治聲同士赴磬隆恩雖款洽醉舞敢呼
號拜命榮三錫論功恥二桃重華躋舜禹盛業繼夔皋
燕饗存寅畏遊畋戒逸遨乾坤春拍拍宇宙樂陶陶爭
獻公車頌光榮勝袞裯

輓馬伯庸中丞

世祖投戈日先公出守初邦人懷禮樂家學贍詩書一
舉登金榜頻年步玉除星移供奉燭風動使臣車忠諫
陳無逸雄文賦子虛羣公推雅量多士服清譽太史仍
兼制春官總傳儲槐雲衣纒纒華日佩舒舒長樂方調膳
中臺旋賜輿尊嚴深翠柏清潤照紅蕖德業真無比恩
光孰可如休官唐殿李知止漢廷疏野曠秋呼鴈江清
晚釣魚石田霜後稻沙圃雨中蔬正爾安民望胡為夢
帝居大星離次舍白壁翳丘墟惟有新詩在千年起歎

飲

寄贈圓修鍾道人

以下拾遺

寶塔今成第幾曾
浮雲不隔石磴磴
誰知庾嶺傳衣後
元是當年有髮僧

偶成

司馬年來多病渴
小樓涼雨趁高眠
無端一樹櫻桃熟
勾引鶯聲到枕邊

海歌八首

黑面小郎棹三板載取官人來大船日正中時先轉舵
一時舉手拜神天

出得蛟門才是海虎蹲山下待平潮敲帆轉艙齊著力
不見前船正過焦

大星煌煌天欲明黃旗上寫總漕名願得順風三四日
蚤催春運到燕京

雙嶼山前放大洋霧氣昏昏海上黃聽得柁樓人笑道
半天紅日挂帆檣

四山合處一門開
雪浪掀天不盡來
船過此間都賀喜
明朝便可到南臺

千戶火長好家主
事事辛苦不辭難
明年載糧直沽去
便著綠袍歸作官

大工駕柁如駕馬
數人左右拽長牽
萬鈞氣力在我手
任渠雪浪來滔天

碇手在船功最多
一人唱聲百人和
何事淺深偏記得
慣曾海上看風波

寄顏經畧羊酥

三山五月尚清寒
新滴羊酥凍玉拌
何物風流可相稱
兔豪花淪水龍團

將千嶺

絕頂低南斗
重關壯北門
隴雲浮地白
谷水帶泥渾
宇宙神功大
山河帝業尊
小臣叨載筆
華髮感深恩

即事次李景儀治書韻

楊僕船歸百越平
捷書今喜出甌寧
秋高劒氣衝南斗

天近綸音動北溟萬里聲名雙鬢白百年文物一檀青
珠璣忽向三山落誰復歌詩繼魯垞

題子固所藏鮮于墨蹟

一自昭陵藏墨本書名誰復更超羣忽傳河朔專行草
不讓吳興變隸分黃鵠夜深隨落月白鵝秋冷化孤雲
風流賴有張公子雪繭封題比右軍

遊玄沙馬上偶成

十里青山馬上看東風拂面尚微寒偶隨芳草來僧寺

却笑飛花點客鞍東野先生方載酒西都博士亦彈冠
莫憐白髮江湖遠且為諸公一盡歡

泉州道中

千山落日丹霞北萬里孤城白水南
玉枕霜寒凝紫蔗金丸露暖熟黃柑
海商到岸纔封舶蕃國朝天亦賜驂
滿市珠璣醉歌舞幾人為爾竟沈酣

題仲穆山水

翡翠為崖金作坡白雲重疊護曾阿
背琴童子松間坐

東帶仙人馬上過高閣半天開寶月飛流千尺寫銀河
王孫已老丹青在轉覺風流意氣多

風雨送別張道亨僉憲

空山自寥閨况此連日雨清晨起開門隨意立東廡風
吹橄欖樹青子落當戶溼薪就齋廚蚤飯已及午飢來
美齏盤初非厭雕俎相知屬歲晚闕落還可數君去不
可留雲帆在南浦

題二馬圖

鐵喙騶連錢
驄何年墜影江水中
蒲梢西來八尺龍
天閑十二為爾空
五花雲錦吹東風

送涇王府蒲司馬西還

重弓滿引鳴鏑和
翻身躍馬渡長河
日高射獵王半醉
軍中司馬功最多
白狼西來獻天子
腰間玉龍鱗甲紫
寶書緘奏動宸京
黃封御酒貺邊庭
弦蒲汭鞠幾千里
芳草萋萋春似水
鳥聲山色不勝情
枚生作賦才難比
和李治書遊玄沙寺

連山北起青巖從晴天直下雙蛟龍
玉刻肺腑煙重重
自是身毒飛來峯黃金布地貝闕崇
萬年之枝千歲松
亦有野客如茅容寶劍出匣光芙容
上方笙磬下方鐘
桃花流水春溶溶日高驄馬來相從
星斗錯落錦繡胷
愧余江海萍梗蹤

題牧牛渡水圖

兒騎牛兒騎牛兩牛渡水當中流
一牛帶犢臨沙洲沙洲泥深沒牛足
中流浪高拍牛腹長繩墜手衣裹身前者

起顧後俯伏牛背歌傾不自由誰云穩比萬斛舟待兒
出險走平地畫圖忽落東海頭東海頭飯牛之子曾封
侯

題顏輝山水

蒼龍渡海成疊嶂劣窮西來勢何壯盪摩日月噓雲煙
回薄風霆起波浪懸流晝夜相舂擬恍惚銀河落天上
橋橫霞嶺類天台谷隱龍湫疑鴈蕩若非華蓋及武夷
無乃仙都與秦望參差飛觀倚半空錯落長松高百丈

煙閣絕登畏崎嶇路出平川喜夷曠野老朝耕屋角雲

漁翁晚釣籬根漲偶隨鶴舞抱瑤琴猶恐猿啼驚蕙帳
畫師盤薄精天機元氣淋漓歸意近毫芒點染遠近間
只尺卷舒千萬狀三年老我東海隅立馬看山每惆悵
麻姑敬亭曾見招何日相從脫塵鞅

送顧仲莊之海北

釣龍臺下與君別萬里東南何日還星斗動搖天在水
海門空闊浪如山珊瑚寶樹來三島鸚鵡金籠出八蠻

簫鼓船回應北上鳳池春早珮珊珊

送劉彥明從經畧使還

經畧江南開幙府曾因三語辟劉郎千金海上求騏驎
五色雲間識鳳凰思入金莖秋滴露行隨玉節晝飛霜
還朝定上平南策應從夔龍到建章

送洪元成赴靜江治中

海上東風吹鬢毛杏花開處雨蕭騷薦書舊最司征考
宮錦新裁別駕袍落日山城旌旆遠拍天春水柁樓高

莫憐投老多辛苦萬里行囊有豹韜

題李則平憲副所藏息齋竹

滿川風雨長篴簫吹作參差三鳳凰
箴粉已翻鱗甲紫墨花還染羽毛蒼
春寒弱幹當軒潤日暮清陰入酒涼
便欲截筒鳴嶰谷却愁彈瑟望瀟湘

漫興

客懷寥落鬢鬢髮對鏡空慚雪一簪
蒲葉野塘方綠漲杏花春雨正紅酣
心隨斗柄長瞻北身逐飈車復指南

夢覺午窓人寂寂一雙巢燕自呢喃

翦燈聯句

并序

元夕同吳子彥劉子清侯敬文會飲水陽陳善

甫家用翦燈聯句云

夜暖拈香繭春寒落翦刀勞心連鬱結貢綺思出長綵

點綴輕蟬翼

吳

裝粘細鳳毛風花凝瑣碎

貢

雲葉護周

遭影爍金垂燼

侯

光融玉作膏舞裯圍落絮

劉

歌扇逐

飛挑帶轉銀幡小

貢

輪迴寶蓋高蜘蛛圍露網

吳

顧免

墮秋毫鷲擲翻紅雪


侯

魚跳起碧濤春陽噓蛺蝶

劉秋

冷蛻虬螭翠薄荷分鈿絲柔柳散條青童來絳節玉女
翳纖翻碎訝珠胎迸尖愁燕尾翺微茫榮錯落斜隙漏
葡萄飴金空燒蠟棚山漫結鰲浮塵籠漠漠流水眩滔
滔簾綺難為密裁綃祇自勞嬋娟妬清夜蟬蛸落晴皋
製異宮人綬榮懷學士綯未曾分寶炬先許照爛袍劇
賞尊頻倒窮搜筆屢探盃簪嘶騷裏奮袖舞豪曹酒促
華筵散詩慚白戰塵時平無夜禁繁弱且歸弦

貢



元詩選初集卷四十